



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 23. Episcopus Uratislaviensis vexatur.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.
A. C. 1285.

§. XXIII.

Episcopus Uratislaviensis vexatur.

Longin. l. 7. p. 835.
Cromer. l. 10. p. 172.
to. II. conc. p. 1238.
Henricus IV Silesiæ Dux ironico cognomine Bonus, cum factos in bellum per injuriam gestum sumptus sibi compensandi gratia Thomæ Episcopo Uratislaviensi, universoque diœceseos Clero magnam pecuniæ pensionem sine ullo jure imperasset, eam denegantium bona omnia & cunctas postea decimas occupaverat. Itaque Thomas lenitatis vias expertus inutiles, querelam suam ad Jacobum Svincam Archiepiscopum Gnesnanum Metropolitam suum detulit: qui die Epiphaniæ an. 1285. Lanciciam concilium convocavit. Comparebant sibi Paulus Cracoviæ, Joannes Posnanæ, Vislas Uladislaviæ, & Volmirus Lusuce Episcopi magno cum numero Abbatum aliorumque Præfulum. Concilium Ducem & partes ejus anathemate, ac totam diœcesim Uratislaviensem interdicto affecit.

Id cum soli Fratres Minores in S. Jacobi coenobio intra urbem sito non observarent, Fratres Prædicatores cum omni Clero & ipso Episcopo pulsi fuere. Postquam hic Præsul in Silesiæ ac suæ diœcesis urbem Ratiboriam profectus ab hujus Domino Ladislao Opoliæ Duce commiter

miter receptus fuerat, Dux Henricus ^{Sæcul. XIII.}
 eum propterea ibi oppugnavit murmu- A. C. 1285.
 rantibus contra Thomam ejusque Clerum
 civibus, quod ipsis annonæ penuriam
 accivissent. Ergo Episcopus periculum
 subire, quam populo, cui devinctus esset,
 ærumnam parere maluit: & pontificiis
 indutus vestibus quosdam de Clero suo
 sacris etiam ornamentis amictos ex urbe
 ad castra Henrici recta ducebat via. Qui
 inopinato spectaculo motus relicto ten-
 torio non tantum obviam venit Antistiti,
 sed & ad pedes accidit. Erexit hic il-
 lum: & post mutuos inter lacrymas am-
 plexus remotis arbitris propinquam
 S. Nicolai ædem ingressi redierunt in
 gratiam: quippe Dux se Præsuli, Eccle-
 siis, & Clero adempta omnia redditurum
 pollicitus obsidionem Ratiboriæ solvit:
 & Archiepiscopus Gnesnanus censuras
 fustulit. Sed hoc non ante factum quam
 anno 1287.

§. XXIV.

Status Ecclesie Græcæ.

Imperator Andronicus Palæologus ex
 Anatolia Constantinopolim reversus
 non mutabat suum schismaticos recon-
 ciliandi consilium. Confirmabant id po- *Pach. l. 7.*
 tius perhibita quædam portenta, quæ *c. 30.*
 timidum ac superstitiosum ejus animum
 vehe-